



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-232-7/24**

Datum: **17.12.2024. god**

«Agencija za vodno područje rijeke Save» Sarajevo rješavajući po zahtjevu pravnog lica «SWITY» d.o.o. Gradačac za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta pogona za preradu voća i povrća izgrađenog u Industrijskoj zoni, grad Gradačac, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «SWITY» d.o.o. Gradačac daje se vodna dozvola za ispuštanje tehnoloških otpadnih voda u prirodni recipijent sa lokaliteta pogona za preradu voća i povrća izgrađenog u Industrijskoj zoni na zemljištu označenom kao k.č. broj: 238/1, 238/2, 238/3, 238/4, 238/5, 238/6, 238/7, 238/8, 238/9 i 238/10 K.O. Gradačac I, grad Gradačac.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog pogona i uz sljedeće uslove:
 - 2.1. Da se upotreba i korištenje predmetnog proizvodnog pogona za preradu voća i povrća lociranog u Industrijskoj zoni grada Gradačca vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, stavi u funkciju hlorinatorska stanica za dezinfekciju prečišćenih voda te da se obezbijedi da se tehnološke otpadne vode nastale preradom voća i povrća nesmetano prikupljaju sistemom slivnika i kanalizacione mreže te preko grube rešetke odvođe na tretman u «emšer jamu» a nakon dezinfekcije u hlorinatorskoj stanici, preko okna za monitoring, ispuštaju u rijeku Gradašnicu.
 - 2.3. Da se, za vrijeme trajanja ove dozvole, izgradi reviziono okno koje će predstavljati okno za monitoring, odnosno mjesto na kojem će vršiti kontrola kvaliteta ispuštene vode neposredno prije ispusta u recipijent-rijeka Gradašnica.
 - 2.4. Da se, za vrijeme trajanja ove dozvole, obezbijedi da se sistem za prikupljanje i prečišćavanje tehnoloških otpadnih voda, instalirana oprema i objekti na lokalitetu predmetnog proizvodnog pogona održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 2.5. Prečišćene otpadne vode nastale u postupku prerade voća i povrća, prije ispuštanja u recipijent – rijeka Gradašnica, moraju ostati u maksimalno dopuštenim granicama definisanim u Prilogu 6. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.6. Objekte koji se trenutno koriste u svrhu prikupljanja, odvodnje i tretmana otpadnih voda nastalih na lokalitetu predmetnog proizvodnog pogona (kanalizaciona mreža, slivnici, emšer jama) kao i hlorinatorska stanica nakon stavljanja u funkciju potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.7. Obezbijediti redovno održavanje, čišćenje i pražnjenje «emšer jame», pristup istoj kao i objektu hlorinatorske stanice i mjestu ispusta u rijeku Gradašnicu.
 - 2.8. Čišćenje i pražnjenje «emšer jame» može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju, izdvojenom talogu i odvozu sadržaja iz «emšer jame».
 - 2.9. Talog iz «emšer jame», otpad nastao u proizvodnom postupku kao i ostali opasni i neopasni otpad, se ne smiju ni privremeno odlagati na česticu «vodno dobro» odnosno u vodotoke i na njegove obale.

- 2.10. Da se u skladu sa propisima iz oblasti zaštite okoliša, vrši bezbjedno i redovno skupljanje taloga i otpada nastalog u proizvodnom postupku kao i čvrstog opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
- 2.11. Da se skladištenje mazuta vrši u nadzemnom rezervoaru ukupne zapremine 500 m³ smještenom u betonsku vodonepropusnu tankvanu.
- 2.12. Da se zaštitna tankvana oko rezervoara mazuta (kao i sam rezervoar) redovno kontroliše na vodonepropusnost tj da se vrši periodično ispitivanje iste te poduzimaju odgovarajuće mjere u cilju sprječavanja akcidentnih zagađenja usljed eventualnog curenja iz rezervoara ili tankvane.
- 2.13. U blizini pretakališta mazuta, osigurati priručna sredstva za brzu intervenciju u slučaju nekontrolisanog istjecanja, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 2.14. Vlasnik odnosno korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.15. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik predmetnog pogona je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog pogona obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog proizvodnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica «SWITY» d.o.o. Gradačac dana 10.05.2024. godine podnesen je ovoj Agenciji zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta pogona za prerađu voća i povrća izgrađenog u Industrijskoj zoni na zemljištu označenom kao k.č. broj: 238/1, 238/2, 238/3, 238/4, 238/5, 238/6, 238/7, 238/8, 238/9 i 238/10 K.O. Gradačac I, grad Gradačac.

Uz zahtjev nije dostavljena dokumentacija koja je propisana članom 12. stav (3) Pravilnika o sadržaju, obliku, uslovima, načinu izdavanja i čuvanja vodnih («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-3-40-232-2/24 od 13.05.2024. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra (bez broja) izdatog dana 25.03.2024. godine od strane Općinskog suda u Tuzli,
- Kopija Rješenja o izmjenama podataka u sudski registar broj: 032-0-Reg-16-001860 izdatog dana 02.11.2016. godine od strane Općinskog suda u Tuzli,
- Ovjerena kopija Uvjerenja o registraciji poreznog obveznika izdatog dana 25.07.2022. godine od strane Porezne uprave Federacije BiH – Kantonalni porezni ured Tuzla,
- Kopija Potvrde broj: 06/1-23-2792/15 izdate dana 20.11.2018. godine od strane Službe za urbanizam, investicije i komunalne poslove Općina Gradačac kojom se potvrđuje da je za objekat hladnjače i destilerije izdato odobrenje za građenje broj: 03/10-360-13/74 dana 01.03.1974. godine od strane Opštinskog sekretarijata za privredu i finansije SO Gradačac,
- Kopija Zapisnika o tehničkom pregledu objekata destilerije i hladnjače Investitora «Bosnaprodukt» u Gradačcu od 03.09.1975.godine,
- Obavijest broj: 12/1-19-011263/24 dostavljena dana 17.04.2024. godine od strane Ministarstva prostornog uređenja i zaštite okolice Tuzlanskog kantona (nije potrebno izdavanje/produženje okolinske dozvole),
- Kopija Rješenja o vodnoj saglasnosti broj: UP-I/25-2-40-077-2/10 izdatog dana 19.02.2010. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: UP-I/25-3-40-735-4/17 izdatog dana 22.01.2018. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: UP-I/25-3-40-024-6/19 izdatog dana 24.04.2019. godine od strane «Agencije za vodno područje rijeke Save» Sarajevo,
- Kopije Rješenja o vodnoj dozvoli broj: 04/1-13-25-30676/18 od 22.01.2019. godine i broj: 04/1-13-21-6869/24 od 27.09.2024. godine izdatih od strane Ministarstva poljoprivrede, šumarstva i vodoprivrede Tuzlanskog kantona,
- Kopija Fature o čišćenju kanalizacione mreže i septičkih jama broj: 204/23 od 31.08.2023. godine dostavljene od strane «HEMO-pral» d.o.o. Modriča,
- Kopija Ugovora broj: 32/10-24 o čišćenju i ispiranju kanalizacionih instalacija, usisavanje taloga iz šahtova i septičke jame te odvoz i odlaganje taloga na deponiju zaključen dana 21.10.2024. godine između «SWITY» d.o.o. Gradačac i «HEMO-pral» d.o.o. Modriča (prilog: kopije izvještaja o čišćenju od 18.11., 13. i 16.12.2024. godine),
- Idejni projekat predtretmana otpadnih voda «VEGAFRUIT» d.o.o. Brijesnica Mala, pogon Gradačac, urađen januara 2010. godine od strane «SPREČA» d.d. Tuzla, revidovan 05.02.2010. godine od strane «ES HIDROTECHNICS» d.o.o. Sarajevo,
- Kopije Elaborata o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za «SWITY» d.o.o. Gradačac, pogon Gradačac za februar i juni 2024. godine urađenih od strane «Instituta za hemijsko inženjerstvo» d.o.o. Tuzla,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog proizvodnog pogona u Industrijskoj zoni u Gradačcu i tom prilikom je sačinjen Zapisnik o uviđaju broj: UP-1/21-3-40-232-5/24 od 03.09.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Proizvodni kompleks za preradu voća i povrća izgrađen je u Industrijskoj zoni grada Gradačac. Osnovna djelatnost preduzeća je prerada voća i povrća, proizvodnja voćnih kaša i baza. Proizvodnja alkoholnog destilata iz voća je bila u funkciji po osnivanju pogona a sad je u potpunosti ukinuta. Projektovani kapacitet postrojenja je 120.000 kg gotovih proizvoda na dan a trenutna proizvodnja je oko 6.000 kg gotovih proizvoda na dan. Proizvodni program se može klasificirati u sljedeće kategorije: VEGY prerađevine od povrća (kiseli program, kečap...), Fruby prerađevine od voća (marmelade, džemovi, voćne kaše za džemove i sokove).

Kao energent u tehnološkom procesu koristi se mazut. Mazut se skladišti u nadzemnom rezervoaru zapremine 500 m³. Rezervoar je smješten u betonsku vodonepropusnu tankvanu. Uz rezervoar je izgrađen objekat sa pretakalištem za mazut. Snabdijevanje vodom za sanitarne potrebe uposlenih i za tehnološke potrebe obezbijeđeno sa gradskog vodovodnog sistema.

Tehnološke otpadne vode nastale u postupku prerade voća i povrća, pranjem opreme i podova pogona prikupljaju se zasebnim sistemom kanalizacione mreže i odvođe preko grube rešetke na tretman (proces taloženja) u «emšer jamu» zapremine 325 m³ sa prelivom u rijeku Gradašnicu.

Sanitarно-fekalne otpadne vode se prikupljanju zasebnim kanalizacionim sistemom i odvođe na tretman u zasebnu «emšer jamu» zapremine 21 m³ sa prelivom u rijeku Gradašnicu za što je od strane nadležnog Ministarstva PŠV Tuzlanskog kantona izdat vodni kat (Rješenje o vodnoj dozvoli broj: 04/1-13-21-6869/24 od 27.09.2024. godine). Čišćenje i održavanje «emšer jama» vrši se redovno od strane «HEMO-pral» d.o.o. Modriča prema posebnom Ugovoru (dostavljene kopije izvještaja o čišćenju od 18.11., 13. i 16.12.2024. godine).

Neposredno prije ispusta otpadnih voda u recipijent izgrađena je hlorinatorska stanica za dezinfekciju tehnoloških i sanitarno fekalnih otpadnih voda (nakon tretmana u «emšer jamama»), ali ista nije u funkciji.

Oborinske vode sa radno-manipulativnih površina se prikupljaju zasebnim sistemom kanalizacije i ispuštaju bez prethodnog tretmana u recipijent - rijeka Gradašnica.

Monitoring otpadnih voda se vrši redovno. Na uvid predloženi Izvještaji o ispitivanju kvaliteta otpadnih voda za februar i juni 2024. godine (mjerno mjesto – neposredno prije ispusta u rijeku Gradašnicu) urađeni od strane «Instituta za hemijsko inženjerstvo» d.o.o. Tuzla,

Prema podacima iz dostavljenih Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog proizvodnog pogona na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačke s) i cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «SWITY» d.o.o. Gradačac, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta pogona za preradu voća i povrća izgrađenog u Industrijskoj zoni, grad Gradačac, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog proizvodno poslovnog objekta utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-232-4/24 od 08.07.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «SWITY» d.o.o. Gradačac
Sarajevska bb, 76250 Gradačac
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava